



Stjórn SSH 521. fundur

Mánudaginn 1. mars 2021, kl. 12:00, kom stjórn SSH saman til fundar með fjarfundabúnaði.

Fundinn sátu: Ármann Kr. Ólafsson, Ásgerður Halldórsdóttir, Dagur B. Eggertsson, Haraldur Sverrisson, Rósa Guðbjartsdóttir stjórnarmenn í SSH og Gunnar Einarsson formaður stjórnar. Páll Björgvin Guðmundsson framkvæmdastjóri SSH, og Hildigunnur Hafsteinsdóttir lögfræðingur SSH sem ritaði fundargerð.

Formaður setti fund og gengið var til dagskrár.

1. Málefni skíðasvæðanna - Framkvæmdir á skíðasvæðunum / málsnr. 1501005

Framhald umræðu frá 520. fundi stjórnar SSH. Á 516. fundi stjórnar SSH var skrifstofu SSH falið að vinna að viðauka við Samkomulag um endurnýjun og uppbyggingu á mannvirkjum skíðasvæða höfuðborgarsvæðisins frá 7. maí 2018, til samræmis við framlagðar tillögur verkefnahóps um breytta tíma- og kostnaðaráætlun. Umræddur viðauki hefur nú verið samþykktur á vettvangi allra hlutaðeigandi sveitarfélaga. Í bókun bæjarráðs Mosfellsbæjar, dags. 17. desember 2017 segir þó: *Bæjarráð Mosfellsbæjar leggur áherslu á að framkvæmdum við endurnýjun skíðalyftu í Skálafelli verði ekki frestað. Stólalyftan í Skálafelli er orðin mjög gömul og byggir á gamalli tækni. Mjög brýnt er að endurnýja hana sem fyrst. Bæjarráð samþykkir þó þá áætlun sem hér liggur fyrir um uppbyggingu á skíðasvæðunum en óskar eftir því við aðildarsveitarfélög að það verði skoðað alvarlega að seinka ekki endurnýjun stólalyftunnar í Skálafelli. Er þess óskað að allra leiða verði leitað til að endurnýjun hennar verði ekki seinkað. Á grundvelli ofangreinds viðauka, og minnisblaðs verkefnahópsins, sem lagt var fyrir 516. fund stjórnar, hafa nú verið gerðir viðaukar við upphafleg útboðsgögn, og eru þeir meðfylgjandi. Kynningar hafa farið fram í bæjarráðum Kópavogs og Hafnarfjarðar, en ákveðið var á 520. fundi stjórnar að bjóða uppá frekari kynningar vegna útboðsferilsins. Þá liggur fyrir að útboðsferli verði endurræst í formi samkeppnisútboðs á grundvelli framangreinds. Gestir fundarins undir þessum lið eru Einar Kristján Stefánsson frá VSÓ og Margrét Lilja Gunnarsdóttir, innkaupaskrifstofu Reykjavíkur.*

Niðurstaða fundar:

Stjórn heimilar að hefja samkeppnisútboð á grundvelli e. liðar 2. mgr. 33. gr. laga um opinber innkaup nr. 120/2016, í samræmi við fyrirliggjandi gögn, þ.e. Invitation to Tender nr. 14347 ásamt fyrirliggjandi viðaukum, auk tíma- og kostnaðaráætlunar sem samþykkt hefur verið með Viðauka II við “Samkomulag um endurnýjun og uppbyggingu á mannvirkjum skíðasvæða höfuðborgarsvæðisins” frá 7. maí 2018.

2. Málefni skíðasvæðanna - Framkvæmdir á skíðasvæðunum - / málsnr. 1501005



Fyrirliggjandi eru bókanir frá bæjarráðum Kópavogs og Seltjarnarness, þar sem er hvatt til þess að farið verði í hraða uppbyggingu til bætingar aðstöðu fyrir gönguskiðafólk á skíðasvæðunum. Einnig er fyrirliggjandi fyrirspurn Theódóru S. Þorsteinsdóttur, bæjarfulltrúa í Kópavogi varðandi það hver þáttur skíðagöngu sé í uppbyggingu á skíðasvæðunum. Lagt er til að ofangreindu verði vísað til umræðu í samráðshópi skíðasvæðanna og tekið fyrir á ný í stjórn SSH að því loknu.

Niðurstaða fundar:

Ofangreindu er vísað til umsagnar samstarfsnefndar skíðasvæðanna ásamt beiðni um að jafnframt verði kannaðir möguleikar á að byggja upp aðstöðu til gönguskiðaiðkunar víðar á höfuðborgarsvæðinu en á Bláfjallasvæðinu.

3. Borgarlínan - fjármál / málsnr. 2001005

Mánaðarskýrsla Borgarlínu vegna desember 2020 auk mælaborðs með yfirliti yfir framgang verkefna 2019-2020 frá KPMG lögð fram. Framkvæmdastjóri SSH kynnir.

4. Samgöngusáttmálinn / málsnr. 2003010

Gestir fundarins undir þessum lið eru Davíð Þorláksson framkvæmdastjóri Betri samgangna ohf. og Birgir Björn Sigurjónsson frá Reykjavíkurborg. Eftirfarandi er til umræðu:

- a) Lagt er fram til kynningar yfirlit yfir fjárflæði frá sveitarfélögunum á árinu 2020 vegna Samgöngusáttmálans. Framkvæmdastjóri SSH kynnir færluyfirlit frá sveitarfélögunum til Samgöngusáttmálans.
- b) Umræða um eftirstöðvar framlaga sveitarfélaga til Samgöngusáttmálans vegna 2019. Fyrirliggjandi er yfirlit greiðslna frá einstökum sveitarfélögum vegna árunna 2019-2020. Framkvæmdastjóri SSH kynnir stöðu eftirstöðva og tillögur að greiðslufyrirkomulagi vegna þeirra. Davíð Þorláksson kynnir yfirlit væntrar fjárfestingarþarfar Betri samgangna ohf. á árunum 2021 og 2022.
- c) Fjárhagsskipan Betri samgangna ohf. Framhald umræðu frá 520. fundi stjórnar SSH. Birgir Björn Sigurjónsson kynnir þá skoðun sem nú stendur yfir á vettvangi sveitarfélaganna varðandi það hvaða leið benti best við veitingu fjármagns til Betri samgangna ohf. á grundvelli Samgöngusáttmálans. Áfram verði unnið að skoðun fjárhagsskipunar Betri samgangna ohf.

Gunnar Einarsson formaður fer af fundi og Haraldur Sverrisson varaformaður tekur við fundarstjórn.

5. Stafræn þjónusta og stafrænt ráð sveitarfélaga / málsnr. 2012003

Framhald frá umræðum 516. og 519. fundar stjórnar SSH um samstarf um stafrænt ráð sveitarfélaga. Föstudaginn 26. febrúar sl. stóð SSH einnig fyrir kynningar- og umræðufundi um



stafræna þjónustu sveitarfélaga fyrir kjörna fulltrúa á höfuðborgarsvæðinu. Gestur fundarins undir þessum lið er Áslaug Hulda Jónsdóttir.

Eitt af sóknaráætlunarverkefnum SSH árið 2020 fól í sér að kortleggja stöðu og framtíðaráform við þróun stafrænnar stjórnsýslu hjá sveitarfélögunum á höfuðborgarsvæðinu. Í starfi verkefnahópsins (starfsmenn sveitarfélaganna í stafrænni þróun) sem stofnaður var vegna verkefnisins hefur glögggt komið fram mikilvægi áframhaldandi samtals- og samvinnu sveitarfélaganna á höfuðborgarsvæðinu á sviði stafrænnar umbreytingar. Fyrir utan hina mikilvægu samvinnu og samráð á milli stjórnenda upplýsingamála geta pólitískir fulltrúar átt sterkt faglegt bakland í hópum þegar kemur að þátttöku í stefnumótun, útfærslu áætlana um stafræna umbreytingu í sveitarfélögunum og ekki síst hið nauðsynlega og mikilvæga samtal stefnumótun Íslands um stafræna þjónustu.

Dá hefur Samband íslenskra sveitarfélaga lagt fram tillögur um samvinnu í stafrænum umbreytingarverkefnum hjá sveitarfélögunum í landinu. Sveitarfélögin á höfuðborgarsvæðinu eru þátttakendur í þeirri vegferð. Fulltrúi SSH í stafrænu ráði sveitarfélaganna á vettvangi Sambandsins er Áslaug Hulda Jónsdóttir. Í fyrrgreindri vegferð er einnig gert ráð fyrir því að innan hvers landshluta verði sett upp stafrænt landshlutaráð/samráðshópur.

Niðurstaða fundar:

Stjórn samþykkir að hvert sveitarfélag á höfuðborgarsvæðinu tilefni einn úr meirihluta og einn úr minnihluta sveitarstjórnar í stafrænan samráðshóp. Tilgangurinn er fyrst og fremst sá að til se samráðshópur sveitarfélaganna á höfuðborgarsvæðinu sem gefur endurgjöf og athugasemdir við þau verkefni sem unnið er að hverju sinni á vettvangi stafræns ráðs sveitarfélaganna. Samráðshópnum til ráðgjafar og stuðnings verður verkefnahópur starfsmanna sveitarfélaganna í stafrænni þróun.

6. Covid-19 / málsnr. 2003006

Umræður um hugsanlega fjarvinnu starfsfólks sveitarfélaganna og mikilvægi þess að samræmdar reglur verði settar á höfuðborgarsvæðinu öllu hvað varðar fjarvinnu.

7. Úrbætur á innviðum / málsnr. 2001001

Fyrirliggjandi er tölvupóstur frá forsætisráðuneyti, dags. 19. febrúar 2021, þar sem fjallað er um eftirfylgni með átaki um úrbætur á innviðum eftir fárviðri í desember 2019. Meðfylgjandi tölvupóstinum var fréttatilkynning nokkurra ráðuneyta þar sem fram kemur að vel gangi að fylgja eftir úrbótum á innviðum og að samfélagið sé nú betur undirbúið undir slíkt veður. Nánari upplýsingar um átakið er að finna á <http://innvidir2020.is>. Þá liggur skýrsla Verkís, Uppbygging innviða–eftirfylgni 2020, frá febrúar 2021, fyrir fundinum og kynningarglærur forsætisráðuneytisins, dags. 19. febrúar 2021, um eftirfylgni innviðaáttaks. Lagt fram til kynningar.

8. Samgönguáætlun 2023-2037 / málsnr. 2102007



Fyrirliggjandi er tölvupóstur samgöngu- og sveitarstjórnarráðuneytisins dags. 16. febrúar 2021, þar sem farið er fram á upplýsingar um helstu tækifæri og áskoranir í samgöngum hvers landshluta, stöðumatsskýrslu, vegna Grænbókar samgönguáætlunar. Einnig er fyrirliggjandi glærukynning vegna samráðsfunda landshluta um Samgönguáætlun 2023-2037.

Niðurstaða fundar:

Framangreindu er vísað til formanns og framkvæmdastjóra til útfærslu og afgreiðslu.

9. Betra líf - styrkbeiðni / málsnr. 21002004

Beiðni Betra lífs um styrk til ráðningar næturvarðar á áfangaheimili að Fannborg 4 liggur fyrir fundinum.

Niðurstaða fundar:

SSH geta því miður ekki orðið við beiðninni þar sem ekki er gert ráð fyrir styrkveitingum í fjárhagsáætlun samtakanna.

10. Áskorun landsþings Landssambands hestamannafélaga / málsnr. 2102005

Fyrirliggjandi er áskorun landsþings Landssambands hestamannafélaga til SSH um að setja aukið fé í viðhald og framkvæmd reiðleiða ásamt því að koma að gerð hönnunarleiðbeininga um framkvæmd þeirra, ekki síst í þéttbýli. Lagt fram til kynningar og erindi komið á framfæri við sveitarfélögin. Lagt fram til kynningar.

11. Sundabraut / málsnr. 1908005

Fyrirliggjandi eru bókanir bæjarstjórnar Akraness, 9. febrúar 2021, og sveitarstjórnar Dalabyggðar 11. febrúar 2021, þar sem lýst er jákvæðri afstöðu til fyrirhugaðrar lagningar Sundabrautar og skýrslu þar að lútandi. Lagt fram til kynningar.

12. Greiðslur vegna vinnu í starfshópum / málsnr. 2102009

Umræðu um þennan lið er frestað.

13. Fundadagskrá stjórnar SSH fyrir árið 2021

Fyrirliggjandi til samþykktar eru drög að fundaaætlun fastra stjórnarfunda ársins 2021.

Niðurstaða fundar:



Fyrirliggjandi drög að fundaáætlun eru samþykkt.

14. Fundargerðir Fjölsmiðjunnar / málsnr. 1501007

Lögð fram til kynningar:

Fundargerð fjarfundar stjórnar Fjölsmiðjunnar á höfuðborgarsvæðinu hinn 3. desember 2020.

15. Fundargerðir samstarfsnefndar skíðasvæðanna

Lagðar fram til kynningar:

Fundargerð 388. fundar samstarfsnefndar skíðasvæða höfuðborgarsvæðisins 20. janúar 2021.

Fundargerð 389. fundar samstarfsnefndar skíðasvæða höfuðborgarsvæðisins 17. febrúar 2021.

16. Fundargerð stýrihóps Stjórnarráðsins um byggðamál

Lögð fram til kynningar:

Fundargerð 67. fundar hinn 11. janúar 2021.

17. Fundargerðir stjórnar Samtaka sveitarfélaga og atvinnuþróunar Norðurlandi eystra

Lagðar fram til kynningar:

Fundargerð 20. fundar, hinn 13. janúar 2021.

Fundargerð 21. fundar, hinn 27. janúar 2021.

Fundargerð 22. fundar, hinn 10. febrúar 2021.

18. Fundargerðir stjórnar Samtaka sveitarfélaga á Norðurlandi vestra

Lagðar fram til kynningar:

Fundargerð 62. fundar, hinn 12. janúar 2021.

Fundargerð 63. fundar, hinn 2. febrúar 2021.

19. Fundargerðir stjórnar Samtaka sunnlenskra sveitarfélaga

Lagðar fram til kynningar:

Fundargerð 566. fundar, hinn 15. janúar 2021.

Fundargerð 567. fundar, hinn 5. febrúar 2021.

20. Kjarasamningar, stytting vinnuviku / málsnr. 2009002

Framhald umræðu frá fyrri fundum. Verður tekið til áframhaldandi umræðu á næsta fundi.



21. Önnur mál

Fleira var ekki gert og fundi slitið kl. 13:35